

Letsatsi la makgaolakgang la ho faela la selemo ka seng bakeng sa balefalekgetho ba nakwana le dithraste, ke la 20 Pherekong 2025

Tshwane, 17 Pherekong 2025 – Letsatsi la makgaolakgang la Dithraste le balefalekgetho ka bomong ba bona bao e leng balefalekgetho ba nakwana, la hore ba faele dikgutliso tsa bona tsa lekgetho la lekeno bakeng sa selemo sa lekgetho sa 2024, ke Mantaha wa la 20 Pherekong 2025.

Ka selemo sa hlahlobo sa 2024 ho bolelwa nako e pakeng tsa la 1 Tlhakubele 2023 ho fihlela ka la 29 Hlakola 2024.

Molefalekgetho wa nakwana ke motho ofe kapa ofe ya fumanang lekeno kapa eo lekeno le hlomelang ho yena, ntle le la moputso wa hae. Thraste e akareditswe tlasa tlhaloso ena ya "motho" ho latela dintlha tsa Molao wa Lekgetho la Lekenno, wa nomoro ya 58 wa 1962 mme ka hona e nkuwa e le molefalekgetho.

Ditshebeletso tsa Lekgetho tsa Afrika Borwa (SARS) di lakatsa ho leboha balefalekgetho bao ba seng ba fane ka dikgutliso tsa bona tsa lekgetho tsa selemo ka seng mme di ipiletsa ho balefalekgetho ba sokang ba fana ka dikgutliso tsa bona tsa lekgetho ho fana ka dikgutliso tsena tsa bona tsa lekgetho, pele ho fihla letstatsi lena la makgaolakgang.

Balefalekgetho ho akareditswe le Dithraste, ba tlameha ho ingodisetsa makgetho a lokelang, ho faela dikgutliso tsa lekgetho, ho etsa ditsebahatso tse nepahetseng dikgutlisong tsa bona tsa lekgetho le ho etsa ditefo tse kolotuwang SARS moo ho hlokehang. Ho se ikobele boitlamo bona ke tlolo ya molao mme sena se tla baka dikotlo le tswala. Balefalekgetho ba tlameha ho ingodisetsa eFiling le ho faela dikgutliso tsa bona tsa lekeno la selemo ka seng.

Ho bohlokwa ho hlokomela hore Dithraste tsohle di lokela ho faela dikgutliso tsa tsona tsa selemo ka seng tsa lekgetho, ho akareditswe le tseo tse ntseng di sa sebetse ho ya ka tsa ikonomi. Batshepuwa ke "baemedi ba balefalekgetho" ba Thraste mme ba jara boikarabelo ba molao ka lebaka la maemo a bona a semmuso le a bona ka bomong ba ho jara boikarabelo ba bona ba boitlamo ba lekgetho, le ha e le hore ba sebedisa setsebi sa lekgetho ho laola merero ya lekgetho ya Thraste boemong ba bona. SARS e tla jarisa batshepuwa ba Thraste ka kopanelo le ka bonngwe ba bona bakeng sa ho hloleha ha Dithraste ho ikobela boitlamo ba tsona ba lekgetho.

SARS e nolofaeditse balefalekgetho ho ikobela ka ho tla ka ditharollo tsa ho faela tsa onlaene. Kgutliso ya lekgetho la lekeno la motho (ITR12) le kgutliso ya lekgetho la lekeno la thraste (ITR12T) di ka fumanwa ho eFiling mme tlhophiso ya kopano e ka etswa lekaleng la SARS mane websaeteng yaSARS.

Balefalekgetho ba kgothaletswa ho ikela websaeteng ya SARS ho fumana dintlha tse ding tse mabapi le boikobelo ba bona ba lekgetho dikgokeding tsena tse latelang: [Dithraste](#), [Sehla sa ho Faela Lekgetho sa 2023](#) mmoho le [Lekgetho la Nakwana](#). Websaete ya SARS e na le [leqephe le buang feela ka Dithraste](#) mme ho na le tsa moraorao tjena tse fumanehang kamehla tse mabapi le boitlamo ba Dithraste, ditataiso mmoho le lenane la ditokomane tsa ngodiso ya lekgetho la [Thraste le ditokomane tsa tshetso](#). Divideo le [diwebinara](#) tse mabapi le Dithraste di ka bohwa mona <https://www.youtube.com/@sarstax>.

E ntshitswe ke Ditshebeletso tsa Lekgetho tsa Afrika Borwa